



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

II. Qualis debeat esse Abbas. Abbatis nomen felix comitetur & omen, Cura
sit omnis ei pro grege, lege Dei.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

9. JAN. 10. MAJI. 9. SEPTEMB.

CAPUT II.

Qualis debeat esse Abbas.

Abbas *a*, qui præesse dignus est Monasterio, semper meminisse debet, quod dicitur *b*, & nomen Majoris *c* factis implere. Christi enim vices agere in Monasterio creditur, quando ipsius vocatur prænomine, dicente Apostolo *d*: Accepistis Spiritum adoptionis filiorum *e*, in quo clamamus, Abba Pater. Ideoque Abbas nihil extra *f* præceptum Domini [quod absit] debet aut docere, aut constituere vel jubere: sed jussio ejus vel *g* doctrina fermentum *h* Divinæ justitiæ in discipulorum mentibus conspergatur. *i*

a) *Abbas, vel Abba in Nominativo, est vox Hebraica, latinè significans Patrem, ideoque Cœnobii Præfecto bene tribuitur, quia ipsius est gignere Deo filios spirituales, eosdem educare & docere.*

b) *Sive qualis nominetur.*

c) *Sub-*

- c) *Substantivè, estque idem, quod Praefectus seu caput supremum*
- d) *Rom. 8.*
- e) *Id est, filialem [non servilem] Spiritum seu indolem, qualem habent adoptati in filios Dei. Vel etiam Spiritum S. per quem in filios Dei adoptati estis.*
- f) *Adversativè, pro contra.*
- g) *Iterum copulativè pro et.*
- h) *Alii legunt fermento, alii velut fermentum.*
- i) *Pro quo alii legunt conspergat. Nempe sicut fermentum totam massam farinae condit, redditque sapidam; ita spiritualis doctrina Abbatis discipulorum animos.*

IO. JAN. II. MAJI. IO. SEPTEMB.

Memor sit semper Abbas, quia doctrinae suae vel *a* discipulorum obedientiae, utrarumque rerum in tremendo iudicio Dei facienda erit discussio. Sciâtque Abbas, culpae Pastoris incumbere, quidquid in ovibus Paterfamilias utilitatis minus *b* potuerit invenire. Tantùm iterum *c* liber erit, ut, si inquieto vel inobedienti gregi Pastoris fuerit
omnis

omnis diligentia attributa *d*, & morbidis *e* earum actibus universa fuerit cura exhibita, Pastor earum in iudicio Domini absolutus *f* dicat cum Prophetâ *g* Domino: Justitiam tuam non abscondi *h* in corde meo, veritatem tuam & salutare tuum dixi: ipsi autem contemnentes spreverunt me. Et tunc demum inobedientibus curæ suæ ovibus pœna sit eis prævalens *i* ipsa mors.

- a) Iterum copulativè pro et.
- b) Id est, non satis, vel nimis parum.
- c) Pro itaque, vel demum.
- d) Sive impensa.
- e) Id est, vitiosis.
- f) Subintellige, à culpâ.
- g) Davide, Psalm. 39. Posteriores verò sensum S. P. adjecit ex Isaia cap. 10. vel Ezech. 20.
- h) Subintellige, illis vel ab illis.
- i) Hoc est, eas supprimens vel coërcens.

II. JAN. 12. MAJI. II. SEPTEMB.

Ergo cum aliquis suscipit nomen Abbatibus, duplici debet doctrinâ suis præesse

esse discipulis: id est, omnia bona & sancta factis amplius *a* quàm verbis ostendat; & capacibus discipulis mandata Domini verbis proponat, duris verò corde *b* & simplicioribus, factis suis Divina præcepta demonstret. Omnia verò, quæ discipulis docuerit esse contraria, in suis factis indicet non agenda; nè aliis prædicans ipse reprobus inveniatur *c*: ne quando dicat illi Deus peccanti: Quare tu enarras justitias meas *d* & assumis Testamentum meum *e* per os tuum? Tu verò odisti disciplinam, & projecisti sermones meos post te *f*. Et qui in fratris tui oculo festucam videbas, in tuo trabem non vidisti. *g*

a) *Nam verba movent, exempla trahunt.*
Et JESUS cœpit facere & docere.
Actor. I.

b) *Duri corde, hîc dicuntur indociles.*

c) *Ex Apostolo I Cor. 9.*

d) *In præmiandis scil. bonis, & puniendis malis.*

e) *Id est, verba Legis meæ, sive Veteris & Novi Testamenti.*

f) *Id*

f) *Id est, contempstisti. Hucusque ex Psalm.*

49. *Sequentia verò sunt ex Matth. c. 7.*

g) *Id est, qui in fratre seu proximo tuo notabas defectus leviores, in te ipso non advertisti graviora vitia.*

12. JAN. 13. MAJI. 12. SEPTEMB.

Non ab eo persona in Monasterio discernatur; non unus plùs ametur, quàm alius, nisi quem in bonis actibus aut *a* obedientiâ invenerit meliorem. *b* Non præponatur ingenuus *c* ex servitio convertenti *d*, nisi alia rationabilis causa existat. Quòd si ità, justitiâ dictante, Abbati visum fuerit, & *e* de cujuslibet ordine *f* id faciat: Sin aliàs *g*; propria teneant loca *h*: quia, five servus, five liber, omnes in Christo unum sumus, & sub uno Domino æqualem servitutis militiam bajulamus *i*; Quia non est personarum acceptio apud Deum *l*. Solummodo in hac parte apud ipsum discernimur, si meliores aliis *m* in operibus bonis, & humiles inveniamur. Ergo æqualis sit *n* ab eo omnibus charitas; una præbeatur omnibus secundum merita disciplina. *o* TÒ

- a) *tò aut vel sumendum híc denuo est co-
pulative pro et, vel exemplificative pr
nt, vel denique sensus est: in obedienc
tiâ aut in aliis bonis actibus.*
- b) *Hunc enim rectè plus amari, evincitur
1.] Quia bonum est objectum amoris. 2.]
Quia idem fecere Christus & Sancti inter
ris, idemque facit Dominus Deus ac Beati
in cœlis, ex S. Thom. 2. 2. q. 26. a. 13
3.] Id ipsum videtur exigere ratio justitia*
- c) *Sive liber,*
- d) *Id est, à servitute venienti ad conversio-
nem seu Monasterium,*
- e) *Et sumitur pro etiam vel tunc,*
- f) *Putatam inter Juniores, quàm Senio-
res, &c.*
- g) *Hoc est, si verò non fuerit visum expedire.*
- h) *Seu ordinem præcedentiæ secundum tem-
pus, quo venere ad Monasterium.*
- i) *Seu ferimus.*
- l) *Ex Apostolo ad Rom. 2. & alibi sæpius.*
- m) *Patet hinc, triplicem à S. P. híc assignari
causam dilectionis majoris erga subditos:
obedientiam videlicet, humilitatem, & alia
bona opera.*
- n) *Vel exhibeatur.*

o) Hoc

est co-
vè pr
edien
o) Hoc est, omnes aequaliter habeantur seu
tractentur.

13. JAN. 14. MAJI. 13. SEPTEMB.

incita
is. 2.
inter
Beat
a. 13
stitia
versio
Senio-
edire
tem-
ius.
gnari
litos
alia
Hoc

In doctrinâ namque *a* suâ Abbas Apo-
stolicam debet illam semper formam
servare, in quâ dicit *b*: Argue, obsecra,
increpa: id est, miscens temporibus tem-
pora, terroribus blandimenta, durum
Magistri, pium Patris ostendat affectum:
id est, indisciplinatos *c* & inquietos *d*
debet durius arguere, obedientes autem,
& mites, & patientes ut in melius profi-
ciant, obsecrare; negligentes autem &
contemnentes ut increpet & corripiat, ad-
monemus. Neque dissimulet *e* pecca-
ta delinquentium; sed mox ut *f* cœpe-
rint oriri, radicitus ea, ut prævalet, am-
putet *g*, memor periculi Heli Sacerdo-
tis de Silo *h*. Et honestiores quidem
atque intelligibiles *i* animos *l* primâ
vel secundâ admonitione verbis corri-
piat; improbos autem & duros *m* ac su-
perbos vel inobedientes verberum vel
corporis castigatione in ipso initio pec-
cati coërceat, sciens scriptum *n*: Stultus

B

ver-

verbis non corrigitur. Et iterum o
Percute filium tuum virgâ, & liberabi
animam ejus à morte. p

- a) *Particula causalis* namque, seu enim
facit connexionem cum verbis: secun-
dùm merita.
- b) *Apostolus 2. Tim. 4.*
- c) *Seu dissolutos, vel, ut ait Boërius, qui
verbis & exemplis corrigi nolunt.*
- d) *Id est, modò huc, modò illuc per claustrum
vagantes. Ex Turrecrem.*
- e) *Id est, non conniveat.*
- f) *Seu quamprimùm.*
- g) *Hoc est, plenè, quantum potest, exstirpet.*
- h) *Id est, mali vel damni, quod evenit Helic
Sacerdoti in Silo, qui cum filiis suis pun-
nitus à Deo est morte & aliis pœnis, eo-
quod sciens illos suffurari primitias omnium
Sacrificii Israël, ac dormire cum mulieribus,
non debitè eos corripuerit, ut legere
est l. 1. Reg. c. 2. 3. & 4. Admonuit qui-
dem eos; sed juxta Ss. Patres nimis serò,
cùm jam essent inveterata peccata; nec
publicè, ut oportebat, cùm essent peccata
publica: Nimis etiam leniter ac famineè
sine*

sinè plagis ac verberibus, quibus castigandi meritò fuissent.

- i) *Activè pro intelligentes, seu prudentes.*
- l) *Id est, homines, qui sunt honestioris animi.*
- m) *Sive obstinatos.*
- n) *Non quidem verbotenus, sed similem in sensum Proverb. 18. Non recipit stultus verba prudentiæ.*
- o) *Proverb. 23.*
- p) *Sive ut habet Vulgata: De inferno.*

14. JAN. 15. MAJI. 14. SEPTEMB.

Meminisse debet semper Abbas, quod est *a*, meminisse¹, quod dicitur *b*, & scire, quia, cui plus committitur, plus ab eo exigitur. Sciâtque, quàm difficilem & arduam rem suscepit, regere animas, & multorum servire moribus. Et alium quidem *c* blandimentis, alium verò increpationibus, alium suasionibus *d*: & secundùm uniuscujusque qualitatem vel intelligentiam ità se omnibus conformet & aptet, ut non solùm detrimenta gregis sibi commissi non patiatur; verùm etiam in augmentatione *e* boni gregis gaudeat.

- a) *Seu qualis sit.*
- b) *Seu qualis nominetur.*
- c) *Subaudi ex priore sensu: Sciat regere.*
- d) *Discant hinc Religiosi, non murmurare contra Superiores, si fortè cum uno lenius cum altero durius videantur procedere.*
- e) *Id est, profectu spiritali.*

15. JAN. 16. MAJI. 15. SEPTEMB.

Ante omnia nè dissimulans *a* aut par-
 vi pendens salutem animarum sibi
 commissarum, non plus gerat sollicitu-
 dinem de rebus transitoriis, terrenis at-
 que caducis; sed semper cogitet, quia
 animas suscepit regendas, de quibus &
 rationem redditurus est. Et nè cau-
 setur de minore fortè substantiâ *c*, me-
 minerit scriptum *d*: Primùm quærite
 regnum Dei, & justitiam ejus; & hæc
 omnia adjicientur vobis. Et iterum *f*.
 Nihil deest timentibus eum. Sciâtque,
 quia *g* qui suscepit animas regendas,
 præparet se *b* ad rationem reddendam
 & quantum sub curâ suâ Fratrum se ha-
 bere sciêrit numerum, agnoscat pro cer-
 to, quia *i* in die judicii ipsarum omnium
 ani-

animarum redditurus est Domino ratio-
nem, finè dubio additâ / & m suæ ani-
mæ. Et ita semper timens futuram di-
scussionem Pastor n de creditis ovibus,
cùm de alienis ratiociniis cavet o, red-
ditur p de suis sollicitus: & cùm de mo-
nitionibus suis emendationem aliis sub-
ministrat, ipse efficitur à vitiis emen-
datus.

- a) *Seu negligens attendere.*
- b) *Pro etiam.*
- c) *Id est, bonis, quibus Monasterium susten-
tandum est.*
- d) *Matth. 6.*
- e) *Alia lectio habet quærere, sed vitiosè;
nisi fortè ly primum accipiatur adjecti-
vè, & subintelligatur sit vel esto.*
- f) *Psalms. 33.*
- g) *Pro quòd.*
- h) *Id est, præparare se debeat.*
- i) *Iterum pro quòd.*
- l) *Subaudi, ratione*
- m) *Seu etiam.*
- n) *Sive Abbas, aut Superior. Alii legunt
Pastoris, puta, Christi Domini.*

- o) *Id est, cū procurat sive efficit, ut rationes alienæ, suorum scil. subditorum, bene subsistant in die iudicii.*
- p) *Seu fit sollicitus de suis rationibus, ut illæ bene subsistant.*

16. JAN. 17. MAJI. 16. SEPTEMB.

C A P U T III.

De adhibendis ad Consilium fratribus.

Quoties aliqua præcipua *a* agenda sunt in Monasterio, convocet Abbas omnem congregationem *b*, & dicat ipse *c*, unde *d* agitur. Et audiens Consilium Fratrum tractet apud se, & quod utilius iudicaverit, faciat. Ideo autem omnes ad consilium vocari diximus, quia sæpe juniori Dominus revelat, quod melius est *e*. Sic autem dent Fratres Consilium cum omni humilitatis subiectione *f*, ut non præsumant procaciter defendere, quod eis visum fuerit; sed magis